



City 8 Compound, Rua Has-Laran, Aldeia Fomento II, Suco Comoro, Dom Aleixo, Dili, Timor-Leste

PO Box 113, Telephone: +670 73099995 / 73099996/73099997

Anúnsiu Publiku

DATA EFECTIVU KONTRATU FAHE PRODUSAUN (KFP) TL-OT-22-22

Liu husi Timor-Leste Lisensiamentu Segunda Ronda 2019/2022, HTS Exploration Ltd (HTS), kompañia esplorasaun no produsaun mina no gas husi nasaun Kazakistaun sai hanesan manan nain ba Kontratu Fahe Produsaun iha area rai maran (KFP) TL-OT-22-22 iha fulan Abril 2022, ne'ebé kobre área Munisipiu Viqueque. Hafoin negosiasaun ne'ebé kle'an, Autoridade Nacional do Petróleo (ANP) no HTS konsege hetan alinamentu hodi asina KFP iha loron 7 fulan marsu tinan 2024. Depois asina tiha KFP, HTS kumpre rekizitu sira iha Artigu 2.2 KFP nian kona ba Kondisaun Presedensia, ne'ebé ANP aprova ona iha loron 4 fulan Setembru tinan 2024. Data refere define tiha ona hanesan data efetivu ba KFP ida ne'e.

Baseia ba KFP, HTS iha kompromisu atu ezejuta nia obrigasaun sira tuir KFP ba kompromisu sira iha esplorasaun no konteúdu lokál tuir termu sira KFP nian no Dekretu-Lei Nu. 18/2020 loron 13 fulan-maiu kona-ba Operasaun Petroleu iha Rai-Maran. Iha Períodu eksplorasauun Dahuluk nian, iha tinan primeiru HTS sei re-entrada (*re-entry*) fali posu sira ne'ebé eziste ona iha Area Kontratu, hala'o perfilagem ba posu revestidu, no integridade ba posu, no análise no avaliasaun ba dadus Jeolojiku no Jeofisiku. Iha tinan segundu HTS komprometidu atu hala'o akizisaun 3D seismiku ou 3D perfis seismiku vertical (*Vertical seismic profiling*) 3325 metrus, 100 kilómetrus liña dadus 2D seismiku ho prosesamentu seismiku, teste ba posu (*well testing*), peskiza asidifikasaun, no análise kímika fluidu. Iha tinan terseiru HTS komprometidu atu hala'o perfurasaun ba posu explorasaun rua (2) ne'ebé sei hala'o liu husi *sidetrack* ida (1) no posu foun ida (1), ka *sidetrack* rua (2), ka posu foun rua (2) se karik *sidetracking* teknikamente la viavel ; ho total kle'an mínimu 2000m *true vertical depth* (TVD) ba posu foun ka 2000m *measured depth* (MD) ba posu *sidetrack*. Husi kompromisu konteúdu lokál, HTS komprometidu ona atu fornese formasaun Jeolojiku no Jeofisiku no Enjinaria, nune'e mós formasaun ne'ebé iha kualifikadu ba traballador ne'ebe iha abilidade (*skilled job*) hanesan *concrete workers*, soldadores, kanalizadores, *riggers*, no *fitters* . HTS mos iha kompromisuiu atu rekruta traballador lokál durante período explorasaun.

Baseia ba rekezitu ne'ebe kontempla iha Dekretu-Lei ba Operasaun Petroleu iha Rai-Maran , HTS sei estabese nia prezensa iha Timor-Leste, inklui prepara no apresenta Programa Servisu no Orsamentu ba ANP atu halo aprovasaun.

Atu hetan informasaun liután kona-ba anúnsiu públiku ida-ne'e favór haruka e-mail ba ami liuhosi anp.publicinquiry@anp.tl